

مسئله

۱۳۲۶

درسعادته یکی پوسته خانه فارشوسنده
دائرة مخصوصه در

مسلک منزه موافق آثار جدید مع المذنبه قبول اولور
در حج ایدیلین آثار احاده اولور

دین، فلسفه، ادبیات، حقوق و علوم دین باحث هفته لقی رساله در

درسعادته نسخه سی ۵۰ باره در

قیریلدن مقوا بورو ایله کوندریلیرسه سنوی
۲۰ غروش فضله آلتیر.

درسعادته پوسته ایله کوندریلیرسه ولایات بدلی اخذ اولنور.

تاریخ تاسیسی:

۱۱ نومر ۳۲۴

مؤسسلری: ابوالعلا زین العابدین - ح. اشرف ادیب

سنه لکی الق ایلی

۳۵ ۶۵

۵۰ ۹۰

۵۵ ۱۰۰ غروشدر.

درسعادته

ولایاتده

ممالک اجنبیهده

برنجی سنه

۲۲۶ شعبان ۲۸ پنجشنبه ۱۱ ایلول ۳۲۴

عدد: ۵

تفسیر شریف

الحمد لله:

جد و ثنای کامل واجب الوجود بی معادل تعالی شانه حضرت تالینه
مخصوصدر؛ اندن بشقه محمود حقیق یوقدر.
(حمد) امر جیل اختیار یسندن طولای بر ذاتی تعظیم و تبجیل
اوزره ثنا و توصیف اتمکدر، باعث جد و ثنا اولان امر جیل کرک
انعام نوعندن و کرک نوع آخردن اولسون.

توضیح مرام

بو تعریف مزده اکمال وضوح مقصدیله علاوه ایدیلان «تعظیم و تبجیل»
قیدی تفسیر بیضاویده ذکر اولفامشدر. چونکه جیل اختیاریدن
متبادر حامدک نظر واعتقادده جیل وحسن اولان شیردر. بویله برشی
مقابله سنده اولان ثنا و توصیف ایسه استهزا قیلندن اوله من، مجرد
تعظیم ایچون اولور. کذلک «ثنا» تعبیری خیر ایله یاد اتمک دیمکدر،
بناء علیه بوندن ده جدک تعظیم واجلال مقصدیله اولان ذکر جیلدن
عبارت اولمسی آکلاشیلور.

«جد» تعبیرینه «مدح و شکر» افظلری یقین اولمغله بو مقامده
آنلریده تعریف و بینلرینی تفریق اتمک لزوم واردر:
«مدح» ده جدکی لسان ایله اولان ثنا و توصیف حسندن
عبارتدر. فقط بونک امر اختیاریه اختصاصی اولمدینی جهته
حمددن اعددر. بناء علیه «فلان ذاته علم و کرمدن طولای جد ایدرم
ویا کندیسنی مدحه لایق کوررم» دینور. فقط «حسن و جالندن ناشی
کندیسنه حمد ایدرم» دیمیوب، یالکز «آنی مدح ایدرم» دینه بیلور.
«شکر» هر امر جیل اختیاری مقابله سنده اولمیوب بالخاصه

انعامندن طولای منعم اولان ذاته عرض تعظیم اتمکدر. هم ده جد ایله
مدح کی لساناً توصیفه خاص اولمیوب قول، فعل واعتقادک هر بریله
ایفای شکر اولنور. امدی ذات منعمک اوصاف عالیه سنی ذکر اتمک
خصوصنه حمد و مدح اطلاق اولندینی کی شکرده اطلاق اولنور.
اما ذات منعمک اخلاص ایله خدمتده بولمق، کندیسنی کال صمیمیتله
سومک و علو شاتی اعتقاد اتمک دخی شکرده داخلدر، بوقلب و بدن
ایله ایفا اولنان شکرلره حمد و مدح اطلاق اولنور.

الحاصل حمد و مدح لسانه مختص اولدقلری حالده انعام ایله انعامک
غیری مزایای جمیله شامل اولورلر؛ شکر انعامه مخصوص اولدینی
حالده لسان و جان و ارکان سائر نک هر بریله ایفا اولنه بیلور. بناء علیه
مورد اعتباریله حمد و مدح اخص و متعلق اعتباریله شکر اخص اولوب
بندلرنده عموم و خصوص من وجه بولندینی ثابت اولور.

بلاغت

بیانات مبسوطه دن مقصد اصلی، بو مقامده مدح ایله شکر تعبیرلری
اوزرینه حمد لفظی اختیار بیورلمسک وجهنی ایضاح اتمکدرکه ذکر
اولنان وجوه افتراقه دقت اولنورسه بو مقصد واضحاً مستفاد اولور.
چونکه «مدح» غیر اختیاری مقابله سنده دخی اوله بیله جکندن ممدوحک
فاعل بالاخیار اولمسنه دلالت اتمز. جناب باری تعالینک محمود قلنمسی،
جمیع محامده مستحق اولدینی بیان ایدلمسی ایسه ذات الوهیت سبحانینک
دائماً مشیت و اختیار ایله فاعل متعال و اراده الهیه سی اقتضاسی صانع
ذو لجلال اولمسنی اشعار اتمکده در.

بو حقیقی اشعار و بیان ایسه اساس دین و مبنای شرایع مرسلین
اولدینی جهته فاتحه فاتحه قلنمغه شایان، زیور کنجینه ایقان برنکته
بلیغه فرقاندر.

جناب رب العالمین حکمت و مشیت اقتضاسنه کوره صانع مختار اولیوب فلاسفه نك ادعای باطلاری وجهله حاشا موجب بالذات اولمسی فرض اولنسه نه تشریع احکامه امکان قالیر ، نه ده جناب بارینک شکر و ثنایه استحقاقی بولنور .

بو ادعای باطلک بطلانی ایسه کتب کلامیه ده بالوجوه ایضاح و اثبات ایدلمشدر . بونک بر چوق دلائلی اولوب از جمله افعال خصوصنده ایجاب بالذات نقائص نوعندن اولمغه شان باری تعالی ده محالدر . نصوص شرعیه ده اثبات اولنان اراده و مشیت صفت جلیله سنک عقل و حکمت نقطه نظرنده دخی ثبوتی جای تردد اوله ماز .

بو حقیقت عالیله صحائف کائناتی مطالعه و تدقیق ایلین اولوالابصاره تجلی و انکشاف ایتمکده بولنان بی نهایت بدائع فطرت ، آثار انتظام و حکمت ایله ده تأید ایلدیکی بدیداردر .

تنبيه

« شکر » تعیری ده « حمد » لفظ شریفی قدر شمولی اولمدیغی اکلاشدی . زیرا شکر یالکیز انعام مقابله سننده اولور . حمد ایسه جناب باری تعالینک کرک انعام جهتیه ، کرک سائر اوصاف سبحانیه سی اعتباریه ثنا و تجلیه لایق اولمسی افاده ایتمکده در .

« شکر » لسانک غیری وسائط ایله حصول بولمق جهتیه حمده ترجیح اولنه من . چونکه حمدک فی الحقیقه حمد اولمسی اقتران تعظیبه وابسته در . بو ایسه ثنایه دال اولان کلامک افعال و اعتقاداته موافق اولمسی مقتضیدر .

بناءً علی ذلک حمد تحقق ایدن مقامده شرائطی اولان تجلیات فعلیه و قلبیه نکهه تحقق ایتمی بر امر ضروریدر . والا حمدک استزایه انقلابی لازم کلیر .

حمدک شکره ترجیحی تفسیر بیضاویده وجه آخرله ده توجیه اولنمشدر ، شویله که : انعام مقابلنده اولان حمد اقسام شکر ایچندن نعمت واصلیه اظهار و اشاعه ده و تحقق حصوله دلالتده اقوی اولمق خاصه سیله تمیز ایتمکده در . چونکه اعتقاد قلب ایله ایفا اولنان شکر امر خفی اولدینی کبی اتعاب جوارح ایله وجود بولان شکرده شکرک غیری بر امل ایله اولمق احتماله معروضدر .

ایشته حمدک بوصورتله تمیز ایتمی رأس شکر عد اولنسنه و ایفای تشکر باینده عمده قلنسنه بادی اولمش و بناء علی ذلک بر حدیث شریفده (الحمد لله رأس الشکر ما شکر الله من لم یحمد) بیورلمشدر ، یعنی حمد شکرک رأس و عمده ارکانی اولمق حسبیله جناب حقه قارشو عرض تحمیداته مواظب اولمیان کسه قلب و اعضاسیله نه قدر تعظیم و تجلیده بولمش اولسه ایفای شکر و اکمال وظیفه ایتمش اولمز .

استفاضه

[الحمد] نظم شریفنده کی ادات تعریف ، هر کسک بیلدیکی ماهیت حمده اشارت ، یا خود بالجله محامد و انبیه دلالت ایچون کلشدر . هرایکی احتماله کوره من الازل الی الابد جمیع حادیندن صدور ایدن افراد حمدک جناب واجب الوجوده مختص و منحصر اولمسی مستفاد اولور که

بونک محتمله اشتباه یوقدر . چونکه هر خیر و نعمتک مصدر حقیقیسی باری تعالیدر . منعم حقیقی ایله منعم علیه اولان عباد اراسنده کی وسائطک فی الحقیقه تأثیری اولمیوب یالکیز جریان عادت انبیه صورتیه سببیت و فی الجمله مدخلیتلری اولور .

بعض حکمانک ادعای وجهله و وسائطده تأثیرات عقلیه بولمسی فرض اولنسه بیله انلرک وسائط اولقندن خروجلری لازم کلز . مادامکه کافه کائناتک خالق اولمق جهتیه کرک اسباب و کرک مسببات صانع ذوالجلالک تأثیر قدرت سبحانیه سیله وجود بولمغه و هر درلو نعمت ایله انتفاع مشیت الهیه تابع تسهیلات و توفیقات صمدانیه ایله حصول پذیر اولمغه در ، طوغریدن طوغرییه مصدر انعامات و مرجع جمیع کالات درگاه اقدس متعال اولمسی جای خفا اوله من .

بناءً علی ذلک بر آیت جلیله ده « وما بکم من نعمه فأن الله » بیورلمشدر که معنای شریفی « سره وصول بولمغه اولان نعم والطافک هربری معبود ذوالجلالکزدن صادر اولمغه در . »

« الحمد لله » جمله جلیله سی محمود ذوالجلال و معبود بی مثال اولان حق جل و علا حضرتلرینک حیات ، قدرت ، علم ، ارادت صفات جلیله سی ایله متصف اولسنه دلالت ایتمکده در . زیرا صفات مذکوریه جامع اولمیان ذاتک حمد و ثنایه استحقاقی اولمز . چونکه بالاده بیان اولندیغی اوزره حمدک جیل اختیاری مقابله سننده اولمسی محمودک قاعل مختار اولمسی مقتضیدر . بوايه علم و اراده و قدرت احراز ایتسنه منوطدر ، بوصفتلرده حیات صفتیه متصف اولمغه توقف ایدر ، زیرا حی اولمیان علیم و قدیر و مرید اوله من .

بو حالده « الحمد لله » دین عبد مؤمن ذات باری تعالانک وحدانیتی ایله برابر بوتون صفات ربانیه سی اعتراف ایتمش اولیور .

مناسرتی اسماعیل مهنی

صفحات حیاتدن

مضمة

« وقعه لیلی مکتبلردن برنده کذار ایتشدر »

— بنجه دو قنور ، اونی سز بر صوبه رق دیکلیکیز ،

خسته لق چونکه دکل او یله اهمیت سز .

ساده بر نزله صد ریحه علت ؟ نرده !

چو جفک حالی فنا لاشدی شو صوک کونلرده :

اون کون اول علمیه چیقارکن طلبه ،

اوده کلشدی ، فقط یوله نوبتلر غلبه

ایندرک ویرمدی بیچاره بر دم راحت .

دیدم : « او غم ، نه یه کلدک ؟ هادی کیت مکتبه ، یات ! »

اوزماندن بریدر ضعیف تزیاید ایدیور ،

شبهلر ذهنه حالیه توارد ایدیور .

اویقو یوقش ، کیجه هب او کسور بیورمش ، آتشک

اولیورمش آزیجق دیندیکی ...